



Siège national  
47 rue d Clichy  
75311 Paris Cedex 09  
Tél : 01 45 96 03 05

## FIARAHA-MIVAVAKA TALATA 4 MEY 2021

Pasteur Falimanana RAHARINDRANTO

**Lohahevitra: PAUL EN MACEDONIE EN GRECE ET A TROAS (ACTES 20)**

**Amin'ny anaran'ny Ray sy ny Zanaka sy ny Fanahy Masina. Amen**

**HIRA 8.1,2 (Dera Laza Hery Haja)**

**Vavaka Fanombohana**

**Teny fampidirana ny andalan-tsoratra masina**

**HIRA 283.1 (Mananjara Ry Jesoa ny Mpanomponao)**

**Vakiteny 1 ASA 20.1-16 (De La Macédonie à Troas)**

« [Ny nankanesan'i Paoly tany Grisias indray, sy ny niverenany tany Asia] Ary rehefa nitsahatra ny tabataba, dia nampaka ny mpianatra Paoly ka nananatra azy sy nanao veloma azy, dia lasa nankany Makedonia izy. » (Asan'ny Apostoly 20:1) « Ary rehefa nitety izany tany izany sy nananatra ny olona tamin'ny teny maro izy, dia tonga tany Grisias. » (Asan'ny Apostoly 20:2) « Ary nony efa nitoetra telo volana teo izy ka efa hiondrana an-tsambo hankany Syria, ary nisy Jiosy nanotrika azy, dia niova hevitra izy ka lasa niverina namaky an'i Makedonia. » (Asan'ny Apostoly 20:3) « Ary niaraka taminy hatrany Asia Sopatera, zanak'i Pyro, avy any Beria, ary Aristarko sy Sekondo avy any Tesalonika, ary Gaio avy any Derbe, ary Timoty, ary Tykiko sy Trofimo avy any Asia. » (Asan'ny Apostoly 20:4) « Ireo dia efa nialoha ka niandry anay tany Troasy. » (Asan'ny Apostoly 20:5) « Dia niondrana an-tsambo niala tany Filipy izahay, rehefa tapitra ny andro fihinanana ny mofo tsy misy masirasira, dia nankany aminy tany Troasy izahay nony afaka hadimiana; ary tany no nitoeranay hafitoana. » (Asan'ny Apostoly 20:6) « Ary tamin'ny andro voalohany amin'ny herinandro, rehefa niangona hamaky mofo izahay, Paoly dia nitari-teny taminy, fa nikasa handeha maraina izy; dia naharitra nitari-teny mandra-paha-mamatonalina izy. » (Asan'ny Apostoly 20:7) « Ary nisy jiro maro teo an-trano ambony izay niangonanay. » (Asan'ny Apostoly 20:8) « Ary nisy zatovo anankiray atao hoe Eotyka nipetraka teo am-baravarankely ka sondrian-tory; ary raha naharitra ela ny toritenin'i Paoly, dia niraika noho ny torimaso ilay zatovo ka nianjera tamin'ny tany avy eny amin'ny rihana intelo mifanongoa, ary nony narenina izy, dia indro fa efa maty. » (Asan'ny Apostoly 20:9) « Ary Paoly nidina, dia niankohoka taminy sy nanohona azy ka nanao hoe: Aza mihorikorika ianareo, fa mbola misy aina ihany izy. » (Asan'ny Apostoly 20:10) « Ary niakatra Paoly, dia namaky ny mofo, ary rehefa nihinana sy niresaka ela ambara-pahamarain'ny andro izy, dia lasa nandeha. » (Asan'ny Apostoly 20:11) « Ary nitondra ilay zatovo efa velona izy ireo ka faly dia faly. » (Asan'ny Apostoly 20:12) « Ary izahay nialoha ho any an-tsambo, dia niondrana nankany Aso, fa eo no handraisana an'i Paoly, satria eo no fotoana nataony, fa nikasa handeha an-tanety\* izy. [\* Na: handeha tongotra] » (Asan'ny Apostoly 20:13) « Ary rehefa nihaona

taminay tany Aso izy, dia noraisinay, ary dia lasa nankany Mitylena izahay. » (Asan'ny Apostoly 20:14) « Ary rehefa niondrana an-tsambo niala teo izahay, dia tonga tandrifin'i Kio nony ampitso; ary nony ampitso indray dia niantsona tao Samo; ka\* tonga tany Mileto izahay nony ampitson'iny. [ Ampio hoe: (rehefa nitoetra any Trogilio, dia)] » (Asan'ny Apostoly 20:15) « Fa Paoly efa nikasa handeha an-tsambo handalo any Efesosy mba tsy hitoerany ela any Asia; fa maika izy, raha azony hatao, hamonjy ny andro Pentekosta any Jerosalema. » (Asan'ny Apostoly 20:16)

## **Fanazavana Fohy**

**. Milaza amintsika ny sitrapon'Atra ny zava mitranga sy ny toe-javatra ka mety mampiova ny programa izay kasaintsika**

**. Andro Voalohany = Alahady sady fotoana famakiana ny mofo no fotoana fampianarana sy fitoriana ny Teny. (Lozako raha tsy mitory)**

**. Tany Troasy sondrian-tory i Eotyka. Firy firy no matory mandritra ny Toriteny. Mianjera mafy, maty ara-panahy, mila velomina.**

## **HIRA 283.2 (Izao no Zara-fanompoaka Voatendrinao)**

### **VAVAKA ISAM-PIANAKAVIANA ...**

### **VAVAKA MPITANDINA ...**

## **VAKITENY 2. ASA 20.17-38 (Discours de Paul aux anciens)**

« [Ny nankanesan'i Paoly tany Grisia indray, sy ny niverenany tany Asia] Ary rehefa nitsahatra ny tabataba, dia nampaka ny mpianatra Paoly ka nananatra azy sy nanao veloma azy, dia lasa nankany Makedonia izy. » (Asan'ny Apostoly 20:1) « [Ny anatra nataon'i Paoly tamin'ny loholon'ny fiangonana tao Efesosy] Ary raha tany Mileto Paoly, dia naniraka hankany Efesosy izy ka nampaka ny loholon\*ny fiangonana\*\* hankeo aminy. [\* Gr. presbytera] [\*\*Gr. eklesia] » (Asan'ny Apostoly 20:17) « Ary nony tonga teo aminy ireo, dia hoy izy taminy: Fantatrareo hatramin'ny andro voalohany nahatongavako teto Asia izay toetry ny fitondran-tenako taminareo tamin'izany andro rehetra izany, » (Asan'ny Apostoly 20:18) « dia ny nanompoako ny Tompo tamin'ny fanetren-tena rehetra sy ny ranomaso ary ny fakam-panahy izay nanjo ahy tamin'ny fanotrehan'ny Jiosy, » (Asan'ny Apostoly 20:19) « ka tsy mba nafeniko izay mahaso, fa nambarako sy nampianariko anareo teo imason'ny olona ary tao amin'ny isan-trano; » (Asan'ny Apostoly 20:20) « ary nambarako tamin'ny Jiosy sy ny jentilisa\* koa ny fibebahana amin'Andriamanitra sy ny finoana an'i Jesosy Kristy Tompontsika. [\* Gr. Grika] » (Asan'ny Apostoly 20:21) « Ary ankehitriny, indro, tery\* am-panahy hankany Jerosalema aho, nefa tsy fantatro izay hanjo ahy any, [\* mifatotra] » (Asan'ny Apostoly 20:22) « afa-tsy izay ambaran'ny Fanahy Masina amiko amin'ny isan-tanàna, fa hisy famatorana sy fahoriana hanjo ahy. » (Asan'ny Apostoly 20:23) « Nefa tsy ataoko ho zavatra akory ny aiko, mba hahavita ny alehako, dia ny fanompoana izay noraisiko tamin'i Jesosy Tompo hanambara ny

filazantsaran'ny fahasoavan'Andriamanitra. » (Asan'ny Apostoly 20:24) « Ary, indro, ankehitriny fantatro fa tsy hahita ny tavako intsony ianareo rehetra izay nalehako nitoriako ny fanjakana. » (Asan'ny Apostoly 20:25) « Koa manambara aminareo aho anio fa afaka amin'ny ranareo rehetra aho. » (Asan'ny Apostoly 20:26) « Fa tsy nafeniko anareo, fa notoriko taminareo avokoa ny saina rehetra natolotr'Andriamanitra. » (Asan'ny Apostoly 20:27) « Tandremo ny tenanareo sy ny ondry rehetra izay nanaovan'ny Fanahy Masina anareo ho mpitandrina\*, hiandrasanareo ny fiangonan\*\*'Andriamanitra\*\*\*, izay novidiny tamin'ny ràny. [\*Gr. episkopo] [\*\* Gr. eklesia'] [\*\*\* Na: [ny fiangonan'ny Tompo] » (Asan'ny Apostoly 20:28) « Fantatro fa rehefa lasa aho dia hisy amboadia\* masiaka hiditra eo aminareo izay tsy hiantra ny ondry. [\* Gr. lopa] » (Asan'ny Apostoly 20:29) « Ary avy aminareo no hiposahan'ny olona sasany mitory teny tsy marina hitaona ny mpianatra hanaraka azy. » (Asan'ny Apostoly 20:30) « Koa miambena, ary tsarovy fa telo taona mipaka aho tsy nitsahatra nananatra anareo rehetra andro aman'alina tamin'ny ranomaso. » (Asan'ny Apostoly 20:31) « Ary ankehitriny izaho manolotra anareo ho amin'Andriamanitra sy ho amin'ny tenin'ny fahasoavany, izay mahay mampandroso sy manome lova anareo eo amin'izay rehetra nohamasinina. » (Asan'ny Apostoly 20:32) « Tsy mba naniry volafotsy na volamena na lamban'olona aho. » (Asan'ny Apostoly 20:33) « Fa fantatrareo ihany fa ireto tanako ireto no niasa mba hahazoako sy ny niaraka tamiko izay nilainay. » (Asan'ny Apostoly 20:34) « Efa nasehoko anareo tamin'ny zavatra rehetra fa tokony hiasa toy izany koa ianareo, mba hiantra ny mahantra ka hahatsiaro ny tenin'i Jesosy Tompo, izay manao hoe: Mahasambatra kokoa ny manome noho ny mandray. » (Asan'ny Apostoly 20:35) « Ary rehefa niteny izany izy, dia nandohalika teo ka niara-nivavaka tamin'izy rehetra. » (Asan'ny Apostoly 20:36) « Ary nitomany mafy izy rehetra, dia namihina ny vozon'i Paoly ka nanoroka azy, » (Asan'ny Apostoly 20:37) « sady nalahelo loatra noho ny nilazany fa tsy hahita ny tavany intsony izy. Dia nanatitra azy teny an-tsambo izy. [Ny nahatongavan'i Paoly tany Jerosalema, sy ny nataony hampihena ny tsi-fitiavan'ny Kristiana tany Palestina azy] » (Asan'ny Apostoly 20:38)

## **Fanazavana Fohy**

**. Fananarana ireo Tompon'Andraikitra ny Fiangonana :**

**.. Mety anaty ranomaso fanaintainana aretina no hanatanterahina**

**ny asa fitoriana asa fihazakazahana asa maika apetraky ny Tompo izay nandatsaka ny rany.**

**.. Nanome ohatry ny "Don de soi" i Paoly apostoly izay mandray**

**maimaimpoana ka manome maimaimpoana na ho voky na ho noana na hahantra na ho faty aza ... (Hevero ny fiainan'ireo**

**mpitondra anareo)**

**HIRA 283.3 (Na Ho Voky Na Ho Noana)**

**VAVAKA ISAM-PIANAKAVIANA ...**

**VAVAKA MPITANDINA ...**

## Teny FANDRAVONANA

### Andalan-tsoratra masina fandravonana 1 Korintiana 9:16

« Fa raha mitory ny filazantsara aho, dia tsy misy ho reharehako, satria tsy maintsy manao izany; fa lozako, raha tsy mitory ny filazantsara aho! » (1 Korintiana 9:16)

### HIRA 283.4 (Tsy Ahiko ny handany holanina)

#### TSO-DRANO

Mba hataon'Andriamanitsika ho miendrika ny fiantsoana anie ianareo, ary hotanterahiny amin'ny hery ny fankasitrahana tsara rehetra sy ny asan'ny finoana, mba hankalazaina ao aminareo ny anaran'i Jesoa Tompontsika, ary ianareo ao aminy kosa, araka ny fahasoavan'Andriamanitsika sy i Jesoa Kristy Tompo." Amena ! (II Tes 1: 11-12)AMENA